

雜寶藏經卷第一

既一

元魏沙門吉迦夜共曇曜譯
十奢王緣第一

昔人壽萬歲時有一王號曰十奢王閻浮提
王大夫人生育一子名曰羅摩第二夫人有
一子名曰羅漫羅摩太子有大勇武那羅延
力兼有扇羅聞聲見形皆能加害無能當者
時第三夫人生一子名婆羅陀第四夫人生
一子字滅怨惡第三夫人王甚愛敬而語之
言我今於爾所有財寶都無憐惜若有所須

隨爾所願夫人對言我無所求後有情願當
更啓白時王遇患命在危惙即立太子羅摩
代已爲王以自結髮頭著天冠儀容軌則如
王者法時小夫人瞻視王病得小瘳瘥自恃
如此見於羅摩紹其父位心生嫉妬尋啓於
王求索先願願以我子爲王廢於羅摩王聞
是語譬如人噎既不得咽又不得吐正欲廢
長已立爲王正欲不廢先許其願然十奢王
從少已來未曾違信又王者之法法無二語
不負前言思惟是已即廢羅摩奪其衣冠時

弟羅漫語其兄言兄有勇力兼有扇羅何以不用受斯恥辱兄答弟言違父之願不名孝子然今此母雖不生我我父敬待亦如我母弟婆羅陀極爲和順實無異意如我今者雖有大力扇羅寧可於父母及弟所不應作而欲加害弟聞其言即便默然時十奢王即徙二子遠置深山經十二年乃聽還國羅摩兄弟即奉父勑心無結恨拜辭父母遠入深山時婆羅陀先在他國尋召還國以用爲王然婆羅陀素與二兄和穆恭順深存敬讓既還

國已父王已崩方知已母妾興廢立遠攢二兄嫌所生母所爲非理不向拜跪語已母言母之所爲何期悖逆便爲燒滅我之門戶向大母拜恭敬孝順倍勝於當時婆羅陀即將軍衆至彼山際留衆在後身自獨往當弟來時羅漫語兄言先恒稱弟婆羅陀義讓恭敬今日將兵來欲誅伐我之兄弟兄語婆羅陀言弟今何爲將此軍衆弟白兄言恐涉道路逢於賊難故將兵衆用自防衛更無餘意願兄還國統理國政兄答弟言先受父命遠徙

來此我今云何輒得還反若專輒者不名仁
子孝親之義如是慇懃苦求不已兄意確然
執志彌固弟知兄意終不可迴尋即從兄索
得革屣惆悵懊惱齋還歸國統攝國政常置
革屣於御座上日夕朝拜問訊之義如兄無
異亦常遣人到彼山中數數請兄然其二兄
以父先勑十二年還年限未滿至孝盡忠不
敢違命其後漸漸年歲已滿知弟慇懃屢遣
信召又知敬屣如已無異感弟情至遂便還
國既至國已弟還讓位而與於兄兄復讓言

父先與弟我不宜取弟復讓言兄爲嫡長負
荷父業正應是兄如是展轉互相揖讓兄不
獲已遂還爲王兄弟敦穆風化大行道之所
被黎元蒙賴忠孝所加人思自勸奉事孝敬
婆羅陀母雖經大惡都無怨心以此忠孝因
緣故風雨以時五穀豐熟人無疾疫閭浮提
姓一內一切人民熾盛豐滿十倍於常

王子以肉濟父母緣第二

如是我聞一時佛在舍衛國爾時阿難著衣
持鉢入城乞食見一小兒有盲父母乞索得

好食者供養父母麤者便自食之阿難白佛言世尊此小兒者甚爲希有乞得好食用奉父母擇麤惡者而自食之佛言此未爲難我過去世中供養父母乃極爲難阿難白佛言世尊過去之世供養父母其事云何佛言乃往過去有大國王統領國土王有六子各領一國時有一大臣名羅睺求計謀興軍殺彼大王及其五子其第六小子先有鬼神來語之言汝父大王及諸五兄悉爲大臣羅睺求之所殺害次欲到汝王子聞已即還家中婦

見王子顏色憂悴不與常同而問夫言汝何以爾夫答婦言男子之事不得語汝婦言王子我今與汝生死共同有何急緩而不見語夫答婦言適有鬼神來語我言汝父大王及與五兄悉爲他殺次來到汝以是憂懼莫知所適夫婦作計即共將兒逃奔他國將七日糧計應達到惶怖所致錯從曲道行經十日猶不達到糧食乏盡困餓垂死王子思惟三人併命苦痛特劇寧殺一人存二人命即便拔効欲得殺婦兒顧見父合掌白言願父今

者莫殺我母寧殺我身以代母命父用兒語
欲殺其子子復白言莫斷我命若斷我命肉
則臭爛不得久停或恐其母不得前達不斷
我命須臾則割日日稍食未到人村餘在身
肉唯有三嚙一子白父母此肉二嚙父母食之
四餘有一嚙還用與我擲兒放地父母前進時
釋提桓因宮殿震動便即觀之是何因緣見
此小兒作希有事即化作餓狼來從索肉小
兒思惟我食此肉亦當命盡不食亦死便捨
此肉而與餓狼釋提桓因即化作人語小兒

言汝今割肉與汝父母生悔心不答言不悔
又言汝今苦惱誰當信汝不生悔心小兒於
是即出實言我若不悔身肉還生平復如故
若有悔者於是即死作此言已身體平復與
本無異釋提桓因即將其子并其父母使得
一處見彼國王心大悲喜慰其至孝歎未曾
有即給軍衆還復本國釋提桓因即漸擁護
作閻浮提王爾時小兒我身是也爾時父母
今日父母是也佛言非但今日讚歎慈孝於
無量劫常亦讚歎諸比丘白佛言世尊過去

世中供養父母其事云何佛言昔迦尸國王
土界之中有一大山中有仙人名睞摩迦父
母年老兩眼俱盲常取好果鮮華美水以養
父母安置閑靜無怖畏處凡有所作舉動行
止先白父母白父母已便取水去時梵摩達
王遊獵而行見鹿飲水挽弓射之藥箭誤中
五睞摩迦身被毒箭已高聲唱言一箭殺三人
斯痛何酷甚王聞其聲尋以弓箭投之於地
便即往看誰作此言我此山中有仙人名睞
摩迦慈仁孝順養盲父母舉世稱歎汝今非

睞摩迦耶答言我即是也而白王言今我此
身不計苦痛但憂父母年老目冥父今飢困
無人供養耳王復問言汝盲父母今在何許
睞摩迦指示王言在彼草屋中王即至盲父
母所睞摩迦父時語婦言我眼瞤動將非我
孝子睞摩迦有衰患不婦復語夫言我乳亦
惕惕而動將非我子有不祥事不時盲父母
聞王行聲索索心生恐怖非我子行爲是誰
也王到其前唱言作禮盲父母言我眼無所
見爲是誰禮答言我是迦尸國王時盲父母

命王言坐我子若在當以好華果奉上於王
我子朝往取水遲晚久待不來王便悲泣而
說偈言

我爲斯國王 遊獵於此山 但欲射禽獸
不覺中害人 我今捨王位 來事盲父母
與汝子無異 慎莫生憂苦
盲父母以偈答王言

我子慈孝順 天上人中無 王雖見憐愍
何得如我子 王當見憐愍 願將示子處
得在兒左右 幷命意分足

於是王將盲父母往至睞摩迦邊既至見所
提桓懊惱號咷而言我子慈仁孝順無比天
神地神山神樹神河池諸神說偈而言

釋梵天世王 云何不佐助 我之孝順子

使見如此苦 深感我孝子 而速救濟命

第六

時釋提桓因宫殿震動以天耳聞盲父母悲
惻語聲即從天下往到其所而語睞摩迦言
汝於王所生惡心也答言實無惡心釋提桓
因言誰當信汝無惡心也睞摩迦答言我於
王所有惡心者毒遍身中即爾命終若我於

王無惡心者毒箭當出身瘡便愈即如其言
毒箭自出平復如故王大歡喜踊躍無量便
出教令普告國內當修慈仁孝事父母睞摩
迦從昔以來慈仁孝順供養父母欲知爾時
盲父者今淨飯王是爾時盲母者摩耶夫人
是睞摩迦者今我身是迦尸國王舍利弗是
時釋提桓因摩訶迦葉是

鸚鵡子供養盲父母緣第三

佛在王舍城告諸比丘言有二邪行如似拍
毼速墮地獄云何爲二者不供養父母二

者於父母所作諸不善有二正行如似拍毼
速生天上去何爲二者供養父母二者於
父母所作衆善行諸比丘言希有世尊如來
極能讚歎父母佛言非但今日於過去世雪
山之中有一鸚鵡父母都盲常取好華果先
奉父母爾時有一田主初種穀時而作願言
第一
所種之穀要與衆生而共噉食時鸚鵡子以
彼田主先有施心即常於田採取稻穀以供
父母是時田主案行苗稼見諸虫鳥揃穀穗
處瞋恚懊惱便設羅網捕得鸚鵡鸚鵡子言

田主先有好心施物無懷由是之故故我敢來採取稻穀如何今者而見網捕且田者如母種子如父實語如子田主如王擁護由已作是語已田主歡喜問鸚鵡言汝取此穀竟復為誰鸚鵡答言有盲父母願以奉之田主答言自今已後常於此取勿復疑難佛言鸚鵡樂多果種田者亦然爾時鸚鵡我身是也爾時田主舍利弗是爾時盲父淨飯王是爾時母者摩耶是也棄老國緣第四

佛在舍衛國爾時世尊而作是言恭敬宿老有大利益未曾聞事而得聞解名稱遠達智者所敬諸比丘言如來世尊而常讚歎恭敬父母耆長宿老佛言不但今日我於過去無量劫中恒恭敬父母耆長宿老諸比丘白佛言過去恭敬其事云何佛言過去久遠有國名棄老彼國土中有老人者皆遠驅棄有一大臣其父年老依如國法應在驅遣大臣孝順心所不忍乃深掘地作一密屋置父著中隨時孝養爾時天神捉持二蛇著王殿上而

作是言若別雄雌汝國得安若不別者汝身及國七日之後悉當覆滅王聞是已心懷懊惱即與群臣參議斯事各自陳謝稱不能別即募國界誰能別者厚加爵賞大臣歸家第一問其父父答子言此事易別以細喪物停蛇著上其躁燒者當知是雄住不動者當知是雌即如其言果別雄雌天神復問言誰於睡者名之爲覺誰於覺者名之爲睡王與群臣復不能辯復募國界無能解者大臣問父此是何言父言此名學人於諸凡夫名爲覺者

於諸羅漢名之爲睡即如其言以答天神又復問言此大白象有幾斤兩君臣共議無能知者亦募國內復不能知大臣問父言置象船上著大池中畫水齊船深淺幾許即以此船量石著中水沒齊畫則知斤兩即以此智以答天神又復問言以一掬水多於大海誰能知之君臣共議又不能解又遍募問都無知者大臣問父此是何語父言此語易解若有人能信心清淨以一掬水施於佛僧及以父母急厄病人以此功德數千萬劫受福

無窮海水極多不過一劫推此言之一掬之水百千萬倍多於大海即以此言用答天神天神復化作餓人連骸拄骨而來問言世頗有人飢窮瘦苦劇於我不君臣思量復不能答臣復以狀往問於父父^九答言世間有人慳貪嫉妒不信三寶不能供養父母師長將來之世墮餓鬼中百千萬歲不聞水穀之名身如大山腹如大谷咽如細針髮如錐刀纏身至脚舉動之時肢節火然如此之人劇汝飢苦百千萬倍即以斯言用答天神天神又復

化作一人手脚杻械項復著鎖身中火出舉體焦爛而又問言世頗有人苦劇我不群臣言爾無知答者大臣復問其父父即答言世間之人不孝父母逆害師長叛於夫主誹謗三尊將來之世墮於地獄刀山劍樹火車爐炭陷河沸屎刀道火道如是衆苦無量無邊不可計數以此方之劇汝因苦百千萬倍即如其言以答天神天神又化作一女人端正瑰瑋踰於世人而又問言世間頗有端正之人似我者不君臣默然無能答者臣復問父

父時答言世間有人信敬三寶孝順父母好
施忍辱精勤持戒得生天上端正殊特過於
汝身百千萬倍以此方之如瞎獮猴復以此
言以答天神天神又以一栴檀木方之正等
又復問言何者是頭若臣智力無能答者臣
又問父其父答言易知放著水中根者必沉
尾者必舉即以其言用答天神天神又以二
白驥馬形色無異而又問言誰眾誰子君臣
亦復無能答者復問其父其父答言與草令
食若是母者必推草與子如是所問悉皆答

之天神歡喜大遣國王珍奇財寶而語王言
汝今國土我當擁護今諸外敵不能侵害王
聞是已極大踊悅而問臣言爲是自知有人
教汝賴汝大智國土獲安既得珍寶又許擁
護是汝之力臣答王言非臣之智願施無畏
乃敢具陳王言設汝今有萬死之罪猶尚不
問況小罪過臣白王言國有制令不聽養老
臣有者父不忍遺棄冒犯王法藏著地中臣
來應答盡是父智非臣之力唯願大王一切
國土還聽養老王即歎美心生喜悅奉養臣

父尊以爲師濟我國家一切人命如此利益
非我所知即便宣今普告天下不聽棄老仰
令孝養其有不孝父母不敬師長當加大罪
爾時父者我身是也爾時臣者舍利弗是爾
時王者阿闍世是爾時天神阿難是也

佛於忉利天上爲毘摩耶說法緣第五

佛在舍衛國告諸比丘言我今欲往忉利天
上夏坐安居爲母說法汝諸比丘誰樂去者
當隨我去作是語已即往忉利天上在一樹
下夏坐安居爲母摩耶及無量諸天說法皆

復見諦還閻浮提諸比丘言希有世尊能爲
其母九十日中住忉利天佛言非但今日我
過去時亦曾爲母拔苦惱事時諸比丘而白
佛言過去所爲其事云何佛言往昔久遠雪
山之邊有獮猴王領五百獮猴時一獮師張
網圍捕獮猴王言汝等今日慎勿恐怖我當
爲汝破壞彼網汝諸獮猴悉隨我出即時破
網皆得解脫有一老獮猴擔兒脚跌墮於深
坑獮猴王覓母不知所在見一深坑往到邊
覓見母在下語諸獮猴各自勵力共我出母

時諸獮猴互相捉尾乃至坑下挽母得出離於苦難況我今日拔母苦難爾時拔免深坑之難今復拔母三惡道難佛告諸比丘拔濟父母有大功德我由拔母世世無難自致成佛以是義故諸比丘等各應孝順供養父母佛說往昔母迦旦遮羅緣第六

佛時遊行到居荷羅國便於中路一樹下坐有一老母名迦旦遮羅繫屬於人井上汲水佛語阿難往索水來阿難承佛勑已即往索水爾時老母聞佛索水自擔罐往既到佛所

放罐著地直往抱佛阿難欲遮佛言莫遮此老母者五百生中曾爲我母愛心未盡是以抱我若當遮者涕血從面門出而即命終既得抱佛嗚其手足在一面立佛語阿難往喚其主其主來至頭面禮佛却住而立佛語主言放此老母使得出家若出家者當得羅漢主便即放佛告阿難付波闍波提比丘尼使度出家不久即得阿羅漢道比丘尼中善解契經最爲第一諸比丘疑惟白佛言世尊以何因緣繫屬於他復以何緣得阿羅漢佛言

迦葉佛時出家學道以是因故得阿羅漢當
於爾時爲徒衆主罵諸賢聖勝尼爲婢以此
因緣今屬於他五百生中恒爲我母慳貪嫉
妬遮我布施以是因緣常生貧賤非但今日
拔其貧賤諸比丘言不審於過去世拔濟貧

出賣兒既來還推覓其母即知處所多賚錢
財勉贖其母即於本國而爲生活資財滿足
倍勝於前爾時母者今迦旦遮羅是爾時兒
者我身是也我當爾時以拔母苦

慈童女緣第七

賤其事云何佛言過去世時波羅奈國有一
貧家母子共活兒恒傭作以供養母得少錢
財且支旦夕爾時其子即白母言我今欲與
諸賈客等遠行商估其母然可於是發去兒
發去後賊來破家劫掠錢財并驅老母異處

養老母方計轉勝日得四錢以供養於母遂復漸著日得八錢供養於母轉爲衆人之所體信遠近投趣獲利轉多日十六錢奉給於母衆人見其聰明福德而勸之言汝父在時常入海採寶汝今何爲不入海也聞是語已卷一
十三

去母即語言我唯一子當待我死何由放汝兒答母言先若不許不敢正意母已許我那得復遮望以此身立信而死許他已定不復得住母見子意正前抱脚哭而作是言不待我死何由得去兒便決意自掣手出脚絕母數十根髮母畏兒得罪即放使去共諸商賈時入海取寶便白母言我父若當入海採寶我今何故不復入海母見其子慈仁孝順謂不能去戲語之言汝亦可去得母此語謂呼奪若得商主諸商人物皆入於賊不得商主

雖獲財物商主來還盡歸財物以是之故是慈童女恒出營別宿商人早起來迎取之一夜大風商人卒起忘不迎取商主於後即不得伴不識途徑見有一山便往至上遙見有城紺瑠璃色飢渴困乏疾走向之爾時城中有四玉女擎四如意寶珠作偈妓樂而共來迎四萬歲中受大快樂於是自然歡離心生便欲捨去諸玉女言闍浮提人甚無反復若我生活經四萬歲云何一旦捨我而去不顧其言便復前行見頗梨城有八玉女擎八如

意珠亦作伎樂而來迎之八萬歲中極大歡樂生歡惡心復捨遠去至白銀城有十六玉女擎十六如意珠如前來迎十六萬歲受大快樂亦復捨去至黃金城有三十二玉女擎三十二如意珠如前來迎又三十二萬歲受大快樂亦欲捨去諸玉女言汝第一前後所住常得好處自此已去更無好處不如即住聞是語已而自念言諸玉女等戀慕我故作是語耳若當前進必有好處即便捨去遙見鐵城心生疑恠而作念言外雖是鐵內爲極好漸

漸前進並近於城亦無玉女來迎之者復作
念言城中甚似極大快樂是故不及來迎於
我轉轉前行遂入鐵城城門開已中有一人
頭戴火輪捨此火輪著於童女頭上即便出
去慈童女問獄卒言我戴此輪何時可脫答
言世間有人作其罪福如汝所作入海採寶
經歷諸城久近如汝然後當來代汝受罪此
鐵輪者終不墮地慈童女問言我作何福復
作何罪答言汝昔於閻浮提日以二錢供養
於母故得瑠璃城四如意珠及四玉女四萬

歲中受其快樂四錢供養母故得頰梨城八
如意珠八玉女等八萬歲中受諸快樂八錢
供養母故得白銀城十六如意珠十六玉女
十六萬歲受於快樂十六錢供養母故得黃
金城三十二如意珠三十二玉女三十二萬
歲受大快樂以絕母髮故今得戴鐵火輪不
以一十五
曾墮地有人代汝乃可得脫又問言今此獄
中頗有受罪如我比不答言百千無量不可
稱計聞是語已即自思惟我終不免願使一
切應受苦者盡集我身作是念已鐵輪即墮

地慈童女語獄卒言汝道此輪不曾有墮今
何以墮獄卒瞋忿即以鐵叉打童女頭尋便
命終生兜率陀天欲知爾時慈童女者即我
身是諸比丘當知於父母所少作不善獲大
苦報少作供養得福無量當作是學應勤盡

心奉養父母

蓮華夫人緣第八

佛在舍衛國告諸比丘若於父母若復於佛
及弟子所起瞋恚心此人爲墮黑繩地獄受
苦無量無有邊際諸比丘問佛言世尊敬重

父母若於父母不生敬重作少不善其事云
何佛言過去久遠無量世時雪山邊有一仙
人名提婆延是婆羅門種婆羅門法不生男
女不得生天此婆羅門常石上小行使有精
氣流墮石窟有一雌鹿來舐小便處即便有
娠日月滿足來詣仙人窟下生一女子華裏
其身從母胎出端正殊妙仙人知是已女便
取畜養漸漸長大既能行來脚蹈地處皆蓮
華出婆羅門法夜恒宿火偶值一夜火滅無
有走至他家欲從乞火他人見其跡跡有蓮

華而便語言繞我舍七帀我與汝火即繞七
帀得火還歸值烏提延王遊獵見彼人舍有
七重蓮華恠而問言爾舍所以有此華也即
答王言山中梵志女來乞火彼女足下生此
蓮華尋其脚跡到仙人所王見是女端正姝
第一十六妙語仙人言與我此女便即與之而語王言
當生五百子王遂立爲夫人五百姝女中最
爲上首王大夫甚妬鹿女而作是言王今
愛重若生五百子倍當敬之其後不久生五
百卵盛著篋中時大夫捉五百麵段以代

卵處即以此篋封蓋記識擲恒河中王問夫
人言爲生何物答言純生麵段王言仙人妾
語即下夫人職更不見王時薩耽菩王在於
下流與諸姝女遊戲河邊見此篋來而作是
言此篋屬我諸姝女言王今取篋我等當取
篋中所有遣人取篋五百夫人各與一卵卵
自開殼中有童子面首端正養育長大各皆
有大力士之力豎五百力士幢烏提延王從
薩耽菩王常索貢獻薩耽菩王聞索貢獻愁
憂不樂諸子白王言何以愁慘王言今我處

世爲他所凌諸子問言爲誰所凌王言烏提
延王而常隨我責索貢獻諸子白言一切閻
浮提王欲索貢獻我等能使貢獻於王王何
以故與他貢獻五百力士遂將軍衆伐烏提
延王烏提_延^{劍一}王恐怖而言一力士力尚不可
當何況五百力士便募國中能却此敵者又
復思惟彼仙人者或能解知作諸方便往到
仙人所語仙人言國有大難何由攘却仙人
答言有怨敵耶王言薩耽苦王有五百力士
皆將軍衆欲來伐我我今乃至無是力士與

彼作對知何方計得却彼敵仙人答言汝可
遠求蓮華夫人彼能却敵王言彼云何能却
仙人答言此五百力士皆是汝子蓮華夫人
之所生也汝大夫人心懷憎嫉擲彼蓮華所
生之子著河水中薩耽苦王於河下流接得
養育使令長大王今以蓮華夫人乘大象上
著軍陣前彼自然當伏即如仙人言還來懺
謝蓮華夫人共懺謝已莊嚴夫人著好衣服
乘大白象著軍陣前五百力士舉弓欲射手
自然直不得屈伸生大驚愕仙人飛來於虛

空中語諸力士慎勿舉手莫生惡心若生惡心皆墮地獄此王及夫人汝之父母母即聲乳一乳作二百五十歧皆入諸子口中即向父母懺悔自生慚愧皆得辟支佛二王亦自然開悟亦得辟支佛爾時仙人我身是我於爾時遮彼諸子使於父母不生惡心得辟支佛我今亦復讚歎供養父母之德

鹿女夫人緣第九

佛在王舍城耆闐崛山中告諸比丘有二種法能使於人疾得人天至涅槃樂有二種法

能使於人速墮三惡受大苦惱何等二法能便於人疾得人天至涅槃樂佛言一者供養父母二者供養賢聖云何二法速墮三惡受大苦惱佛言一者於父母所作諸不善二者於賢聖所亦作不善諸比丘白佛言世尊遠成善惡其事云何佛告諸比丘過去久遠無量世時有國名波羅奈國中有山名曰仙山時有梵志在彼山住大小便利恒於石上後有精氣墮小行處雌鹿來舐即便有娠日月滿足來至仙人所生一女子端正殊妙唯脚

似鹿梵志取之養育長成梵志之法恒奉事
火使火不絕此女宿火小不用意使今火滅
此女恐怖畏梵志瞋有餘梵志離此住處一
拘蜃脅此言五里此女速疾往彼梵志所而求乞
火梵志見其跡跡有大蓮華要此女言繞我
舍七匝當與汝火若出去時亦繞七匝莫行
本跡異道而還即如其言取火而去時梵豫
國王出行遊獵見彼梵志繞舍周匝十四重
蓮華復見二道有兩行蓮華恠其所以問梵
志言都無水池云何有此妙好蓮花答言彼

仙住處有一女來從我乞火此女足跡皆生
蓮華我便要之若欲得火繞舍七匝將去之
時亦復七匝是以有此周匝蓮華王尋華跡
至梵志所從索女看見其端正已甚適悅意
即從梵志求索既一十九此女梵志即與王王即立爲
第二夫人此女少小仙人養育受性端直不
解婦女妖嬖之事後時有身相師占言當生
千子王大夫人聞此語已心生妬忌漸作計
校恩厚怡愉鹿女夫人左右侍從饒與錢財
珍寶爾時鹿女日月滿足便生千葉蓮華欲

生之時大夫人以物縵眼不聽自看捉臭爛馬脯承著其下取千葉蓮華盛著函裏擲於河中還爲解眼而語之言看汝所生唯見一段臭爛馬脯王遣人問爲生何物而答王言唯生臭爛馬脯之物時大夫人而語王言王喜倒感此畜生所生仙人所養生此不祥臭穢之物王大夫人即便退其夫人之職不復聽見時烏耆延王將諸徒從夫人婢女下流遊戲見黃雲蓋從河上流隨水而來王作是念此雲蓋下必有神物遣人往看於黃雲下

見有一函即便接取開而看之見千葉蓮華葉有千小兒取之養育以漸長大各皆有大力士之力烏耆延王歲常貢獻梵豫王集諸獻物遣使欲去諸子問言欲作何等時王答言欲貢獻彼梵豫國王諸子各言若有一子猶望能伏天下使來貢獻況有我等千子而當獻他千子即時將諸軍衆降伏諸國次第來到梵豫王國王聞軍至慕其國中誰能攘却如此之敵都無有人能攘却者第二夫人來受募言我能却之間言云何得攘却之夫

人答言但爲我作百丈之臺我坐其上必能
攘却作臺已竟第二夫人在上而坐爾時千
子欲舉弓射自然手不能舉夫人語言汝慎
莫舉手向於父母我是汝母千子問言何以
爲驗得知我母答言我若擊乳一乳有五百
兎一
歧各入汝口是汝之母若當不爾非是汝母
即時兩手擊乳一乳之中有五百歧入千子
口中其餘軍衆無有得者千子降伏向父母
懺悔諸子於是和合二國無復怨讐自相勸
率以五百子與親父母養以五百子與養父

母時二國王分閭浮提各畜五百子佛言欲
知彼時千子者賢劫千佛是也爾時嫉妒夫
人縵他目者文鱗瞽目龍是爾時父者白浮
王是爾時母者摩耶夫人是諸比丘白佛言
此女有何因緣生鹿腹中足下生蓮華復有
何因緣爲王夫人佛言此女過去世時生貧
賤家母子二人田中鋤穀見一辟支佛持鉢
乞食母語女言我欲家中取我食分與是快
士女言亦取我食分并與母即歸家取母子
二人食分來與辟支佛女取草採花爲之穀

草坐散花著上請辟支佛坐女恠母遲上一
高處遙望其母已見其母而語母言何不急
疾鹿驟而來母既至已嫌母遲故尋作恨言
我生在母邊不如鹿邊生也母即以二分食

與辟支佛餘殘母子共食辟支佛食竟擲鉢

虛空中尋逐飛去到虛空中作十八變時母

歡喜即發誓願使我將來恒生聖子如今聖

人以是業緣後生五百子皆得辟支佛一作

養母一作所生母以語母鹿驟對言因緣生

鹿腹中脚似鹿甲以採華散辟支佛故跡中

一百華生以敷華草故常得爲王夫人其母
後身作梵豫王其女後身作蓮花夫人由是
業緣後生賢劫千聖以誓願力常生賢聖諸
比丘聞是語已歡喜奉行

雜寶藏經卷第一

音釋

瘳瘥

瘳丑鳩切瘡楚
解切並病除也

噎

一結切食室
氣不通也

確告

堅

切硬也

屣

亦綺切
瘦也

蹠

失非

癆

切纏力充切
纏切肉也

蹠

切失非
蹠切

瞶

失非

動也

切也

惕

切他
淺切

號咷

切號咷

號

切胡刀
哭聲也

哭

切哭徒刀

鞞

竹葉

子也

切也

懃

即淺切
劇甚也

魏

魏姑回

瑋

魏姑回

翹

竹葉

羽

鬼切
驥音草
馬曰驥
跌失據也
徒結切
是罐古
餅屬玩
切舐
居候切
牛羊乳也
斥必計
愛也切
也各切
愕逆各
驚也切
犧也切
足罐古
餅屬玩
切舐
居候切
牛羊乳也
斥必計
愛也切

永樂北藏

雜寶藏經

第一二九冊